

Uppgjör Nýherja hf. á fyrri árshelmingi 2010

Helstu niðurstöður

- 100 mkr heildarhagnaður á fyrri árshelmingi, en heildartap var 71 mkr á sama tímabili í fyrra.
- 123 mkr EBITDA í öðrum ársfjórðungi, en EBITDA var neikvæð um 109 mkr á sama tímabili 2009.
- Vörusala innanlands í öðrum ársfjórðungi var 30% meiri en í sama ársfjórðungi í fyrra.
- Jafnvægi hefur náðst í rekstri erlendra dótturfélaga og eru horfur góðar á síðari árshelmingi.
- Áformað er að samningar við viðskiptabanka félagsins um fjárhagslega endurskipulagningu liggi fyrir á næstunni.

Þórður Sverrisson, forstjóri:

„Áætlun um afkomu félagsins gekk eftir á fyrri árshelmingi og eru horfur vænlegar fyrir síðari árshelming. Erlend og innlend dótturfélög sem starfa á sviði hugbúnaðarþjónustu skiluðu nú góðum hagnaði, í stað taprekstrar í fyrra. Tekist hefur að lækka rekstrarkostnað innan samstæðunnar og afkoma því batnað. Nýherji er langt kominn í viðræðum við bankana um endurskiplagningu á fjárhag samstæðunnar og er gert ráð fyrir að niðurstöður liggi fyrir á næstunni.“

Rekstrarniðurstaða á fyrri árshelmingi 2010

Fyrstu 6 mánuðir ársins – Lykiltölur		
Fjárhæðir í þús. króna		
	6 mánuðir 2010	6 mánuðir 2009
Seldar vörur og þjónusta	7.038.486	7.037.446
Vörunotkun og kostnaður við selda þjónustu	(3.076.844)	(2.973.927)
Vergur hagnaður	3.961.642	4.063.519
Laun og launatengd gjöld	(2.974.987)	(3.164.435)
Rekstrarkostnaður	(979.069)	(1.299.808)
Rekstrarhagnaður (-tap) (EBIT)	15.616	(392.796)
Áhrif gjaldbrots dótturfélags	246.187	0
Hrein fjármagnsgjöld	(77.492)	(332.558)
Hagnaður (tap) fyrir tekjuskatt	184.311	(725.354)
Tekjuskattur	(1.469)	(68.015)
Hagnaður (tap) tímabilsins	182.842	(793.369)
Rekstrarliðir færðir beint á eigið fé	(82.506)	772.346
Heildarhagnaður (-tap)	100.336	(71.023)
EBITDA	157.827	(116.730)
EBITDA hlutfall	2,2%	(1,7%)
Meðalfjöldi stöðugilda	571	663

Sala á vöru og þjónustu nam 7.038 mkr fyrstu 6 mánuði ársins 2010, samanborið við 7.037 mkr á sama tímabili árið áður. Tekjur starfseminnar á Íslandi námu 4.864 mkr, en 2.174 mkr hjá erlendum dótturfélögum.

Uppgjör Nýherja hf. á fyrri árshelmingi 2010

Laun og launatengd gjöld námu 2.975 mkr, en voru 3.164 mkr fyrir sama tímabil árið áður. Laun vegna erlendra starfsemi hafa lækkað um 30 mkr vegna fækkunar starfsfólks og gengisbreytinga. Meðalfjöldi stöðugilda fyrstu 6 mánuði ársins 2010 var 571 en var 663 fyrir sama tímabil árið áður. Rekstrarkostnaður var um 979 mkr, en var 1.300 mkr yfir sama tímabil í fyrra. Rekstrarhagnaður fyrir afskriftir, fjármagnsliði og skatta - EBITDA – var 158 mkr á tímabilinu en EBITDA var neikvæð um 117 mkr árið áður.

Hrein fjármagnsgjöld voru 77 mkr í samanburði við 333 mkr á sama tímabili árið 2009. Heildarhagnaður fyrstu 6 mánuði ársins 2010 var 100 mkr en heildartap fyrstu 6 mánuði ársins 2009 nam 71 mkr.

Efnahagsreikningur 30.06. 2010 – Lykiltölur Fjárhæðir í þús. króna

	30.06. 2010	31.12. 2009
Fastafjármunir	5.935.950	6.173.554
Veltufjármunir	3.308.976	3.421.368
Eignir samtals	9.244.926	9.594.922
Eigið fé	1.364.317	1.263.981
Langtímaskuldir	1.095.450	1.526.221
Skammtímaskuldir	6.785.159	6.804.720
Eigið fé og skuldir samtals	9.244.926	9.594.922

Heildareignir í lok tímabilsins voru 9.245 mkr samanborið við 9.595 mkr í lok ársins 2009. Langtímaskuldir hafa lækkað frá árslokum úr 1.526 mkr í 1.095 mkr. Skammtímaskuldir hafa lækkað frá árslokum úr 6.805 mkr í 6.785 mkr. Vaxtaberandi skuldir námu 5.224 mkr, en voru 5.537 mkr í ársbyrjun 2010. Hlutfall vaxtaberandi skammtímaskulda er hátt þar sem samningum við viðskiptabanka um fjárhagslega endurskipulagningu er ekki lokið. Eigið fé í lok júní 2010 var 1.364 mkr og er eiginfjárhlutfall nú 14,8% en var 13,2% um síðustu áramót.

Rekstrarniðurstaða á öðrum ársfjórðungi 2010

Ársfjórðungsyfirlit – Lykiltölur Fjárhæðir í þús. króna

	F2 2010	F1 2010	F4 2009	F3 2009	F2 2009
Seldar vörur og þjónusta	3.529.521	3.508.965	3.993.511	3.301.404	3.479.234
Vörunotkun og kostnaður við selda þjónustu	(1.575.069)	(1.501.775)	(2.012.073)	(1.369.377)	(1.457.235)
Vergur hagnaður	1.954.452	2.007.190	1.981.438	1.932.027	2.021.999
Laun og launatengd gjöld	(1.462.384)	(1.512.639)	(1.559.492)	(1.356.518)	(1.601.522)
Rekstrarkostnaður	(449.871)	(529.198)	(741.244)	(526.670)	(768.794)
Rekstrarhagnaður (-tap) (EBIT)	46.728	(31.112)	(316.285)	52.080	(342.101)
Áhrif gjaldþrots dótturfélags	246.187	0	0	0	0
Fjármunatekjur og fjármagnsgjöld	318	(77.810)	(163.383)	(171.361)	(256.739)
Hagnaður (tap) fyrir tekjuskatt	293.233	(108.922)	(479.668)	(119.281)	(598.840)
Tekjuskattur	(8.288)	6.819	32.766	(1.700)	(84.431)
Hagnaður (tap) tímabilsins	284.945	(102.103)	(446.902)	(120.981)	(683.271)
Rekstrarliðir færðir beint á eigið fé	(54.173)	(28.333)	(61.059)	14.068	771.134
Heildarhagnaður (-tap)	230.772	(130.436)	(507.961)	(106.913)	87.863
EBITDA	122.875	34.952	(52.851)	107.374	(108.903)
EBITDA hlutfall	3,48%	1,00%	(1,32%)	3,30%	(3,13%)
Meðalfjöldi stöðugilda	558	579	607	631	649

Uppgjör Nýherja hf. á fyrri árshelmingi 2010

Sala á vöru og þjónustu nam 3.530 mkr í öðrum ársfjórðungi, samanborið við 3.479 mkr á sama tímabili árið 2009 og hafa tekjur því aukist um 1,4% frá öðrum ársfjórðungi 2009.

Laun og launatengd gjöld námu 1.462 mkr en voru 1.602 mkr fyrir sama tímabil 2009. Meðalfjöldi stöðugilda í öðrum ársfjórðungi var 558 en var 649 á sama tíma í fyrra. Launakostnaður innanlands hefur lækkað um 58 mkr frá því í öðrum ársfjórðungi 2009. Laun starfsmanna erlendis hafa lækkað um 82 mkr vegna gengisbreytinga og fækkunar stöðugilda milli annars ársfjórðungs 2009 og 2010.

Rekstrarkostnaður var 450 mkr í öðrum ársfjórðungi, en var 769 mkr á sama tíma á árinu 2009. Rekstrarhagnaður fyrir afskriftir, fjármagnsliði og skatta - EBITDA – var 123 mkr á tímabilinu en EBITDA var neikvæð um 109 mkr á sama tímabili fyrir árið 2009.

Fjármunatekjur voru 0,3 mkr í öðrum ársfjórðungi í samanburði við fjármagnsgjöld að fjárhæð 257 mkr. í öðrum ársfjórðungi 2009. Heildarhagnaður í fjórðungnum nam 231 mkr, en heildarhagnaður í öðrum ársfjórðungi í fyrra nam 88 mkr.

Guðmar Guðmundsson framkvæmdastjóri fjármála Nýherja hf. hefur ákveðið að láta af störfum hjá félaginu og mun taka við starfi framkvæmdastjóra fjármála hjá VÍS hf.

Roka ehf., dótturfélag Nýherja, var úrskurðað gjaldþrota á tímabilinu og eru allar eignir þess og skuldir því færðar út úr efnahagsreikningi samstæðunnar.

Yfirlit yfir rekstur

Eftirspurn eftir lausnum og búnaði jókst hjá móðurfélaginu Nýherja hf. í öðrum ársfjórðungi. Góð sala var á IBM vélbúnaðarlausnum, svo sem IBM BladeCenter netþjónum og IBM gagnageymslulausnum. Eftirspurn eftir tölvubúnaði frá Lenovo er mikil, en sala á fartölvum hefur aukist um ríflega 60% miðað við annan ársfjórðung árið 2009. Ágæt sala var á APC búnaði fyrir kerfissali.

Sala hjá Sense ehf., sem sérhæfir sig í hljóð- og myndlausnum, var í samræmi við áætlanir. Ágæt eftirspurn var eftir Canon og Sony myndavélum og sjónvörpum frá Sony. Verkefnastaða í mynd- og hljóðlausnum fyrir fyrirtæki og stofnanir er viðunandi, en félagið hefur meðal annars unnið að slíkum verkefnum í Noregi.

Afkoma Skyggis ehf., rekstrar- og hýsingarfélags samstæðunnar, var undir áætlunum í öðrum ársfjórðungi. Gerður var fjöldi nýrra þjónustu- og rekstrarsamninga við nýja og eldri viðskiptavinum. Þá hefur vaxandi fjöldi fyrirtækja flutt tölvurekstur sinn í alrekstur hjá Skyggi. Félagið hefur í áratug annast hýsingu og rekstur tölvukerfa Icelandair Group, og var í ársfjórðungnum undirritaður nýr þriggja ára samningur um þá þjónustu.

Innlendur hugbúnaðarhluti Nýherjasamstæðunnar hefur náð að laga rekstur að nýjum markaðsaðstöðum. Jákvæð EBITDA hefur náðst hjá TM Software ehf. og EMR ehf. síðustu ársfjórðunga og er rekstur beggja fyrirtækja í samræmi við áætlanir.

Hagnaður Applicon ehf., sem sérhæfir sig í viðskiptalausnum, var undir væntingum í öðrum ársfjórðungi, sem má rekja til verkefnastöðu félagsins í upphafi tímabilsins. Gert er ráð fyrir að aukin verkefni erlendis muni bæta afkomu félagsins á síðari árshelmingi.

Rekstur Vigor ehf. var þungur í öðrum ársfjórðungi, en ráðist hefur verið í aðgerðir til að ná aftur jafnvægi í rekstri félagsins. Helstu verkefni Vigor er hugbúnaðarþjónusta við viðskipta-, launa- og orkukerfi og sérsmíði á lausnum fyrir ýmis fyrirtæki s.s. á sviði greiðslumiðlunar, tryggingastarfsemi og orkudreifingu.

Bjartari horfur eru á dönskum markaði og betri verkefnastaða dótturfélaga Nýherja þar í landi hefur tryggt jákvæðan viðsnúning á rekstri þeirra. Applicon A/S í Danmörku gerði í öðrum ársfjórðungi samning um innleiðingu á SAP-viðskiptakerfum fyrir sjúkrahús og aðrar heilbrigðisstofnanir Region Hovedstaden stjórnsýsluumdæmisins í Kaupmannahöfn og á Norður Sjálandi. Applicon er samstarfsaðili Siemens IT Solutions í þessu verkefni, en hlutur Applicon er um 1,8 milljarðar króna á þremur árum. Um er að ræða stærsta samning sem Applicon fyrirtækin hafa gert fram til þessa. Þessi samningur ásamt öðrum fyrirliggjandi samningum tryggja jákvæða afkomu næstu misseri. Applicon Solutions A/S í Danmörku hefur lagt aukna áherslu á Bandaríkjamarkað við sölu á aðgangsstýringarkerfinu APM fyrir SAP viðskiptahugbúnað. Má þar nefna samning við fyrirtækin Celanese, Mercedes Benz og Xerox.

Afkoma af rekstri Dansupport A/S var jákvæð og yfir áætlun á fyrri ársheimingi og er verkefnastaða félagsins viðunandi. Dansupport hefur í auknum mæli lagt áherslu á þjónustu við veitufyrirtæki og sambærileg meðalstór fyrirtæki.

Árangur Applicon í Svíþjóð er í takt við væntingar og hefur vöxtur þess haldið áfram. Nýir samningar voru gerðir við SEB, Nordea, Brummer & Partners og Volvo. Horfur í næsta ársfjórðungi eru ágætar.

Applicon vinnur einnig að verkefnum utan Norðurlandanna, svo sem fyrir SAP hjá breska bankanum Nationwide, en þar starfa sex íslenskir Applicon ráðgjafar að staðaldri við að þróa næstu kynslóð SAP viðskiptabankakerfa.

Horfur

Innlend starfsemi Nýherja hefur skilað jákvæðri og vaxandi EBITDA í fjóra ársfjórðunga í röð. EBITDA af erlendri starfsemi var jákvæð í öðrum ársfjórðungi eftir taprekstur nokkurra undanfarinna ársfjórðunga. Áætlanir félagsins gera ráð fyrir því að afkoma í þriðja og fjórða ársfjórðungi verði betri en hún var í öðrum ársfjórðungi.

Fjárhagsdagatal fyrir 2010:

Áætluð birting árshlutauppgjors fyrir árið 2010.

22. október	Níu mánaða uppgjör
28. janúar 2011	Ársuppgjör

Samþykkt árshlutareiknings

Árshlutauppgjör fyrir annan ársfjórðung 2010 var samþykkt á stjórnarfundi Nýherja hf. 23. júlí 2010. Árshlutauppgjör Nýherja hf. er gert í samræmi við alþjóðlega reikningsskilastaðla (IFRS-International Financial Reporting Standards). Árshlutauppgjórið hefur hvorki verið endurskoðað né kannað af endurskoðendum félagsins

Nánari upplýsingar

Þórður Sverrisson, forstjóri Nýherja, í síma +354 893 3630.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Félög Nýherjasamstæðunnar í rekstri eru 18 bæði hér heima og erlendis og er heildarfjöldi stöðugilda 554. Hlutabréf Nýherja hf. eru skráð í NASDAQ OMX Iceland hf. (Kauphöll Íslands).

Stjórn Nýherja: Benedikt Jóhannesson, stjórnarformaður, Árni Vilhjálmsson og Guðmundur Jóh. Jónsson. Þórður Sverrisson er forstjóri Nýherja.